

ԱԶԴԱՐԱՐ

ՏԵՂԵԿԱՏՈՒ ԱՌԱՋՆՈՐԴԱՐԱՆԻ ՀԱՅՈՑ ԲՈՒՅԹԻ ԵՒ ՇՐՋԱԿԱՅԻՑ ՀԱՅՈՑ ԹԵՄԻՆ

P.O.Box: 8157, Salmiyeh 22052- Kuwait. Tel: 965-25614392, Fax: 965-25638312, e-mail: prelacy@armenianprelacykw.org

ՆՈՐ ՇՐՋԱՆ, ԺԱ. Տարի, Թիւ 470, ԿԻՐԱԿԻ, 06 ՅՈՒՆՈՒԱՐ, 2019

ՀԱՄԱՅՆՔԱՅԻՆ

Ն.Ս.Օ.Տ.Տ. ԱՐԱՄ Ա. ԿԱԹՈՂԻԿՈՍԻ Ս. ԾՆՆԴԵԱՆ ՀԱՅՐԱՊԵՏԱԿԱՆ ՊԱՏԳԱՍԸ

ՔՐԻՍՏՈՍ՝ ԼՈ՛ՅԱԸ ԱՇԽԱՐՀԻՆ

Բեթղեհեմի մէջ աշխարհին յայտնուած Աստուծոյ Որդին ինքզինք ներկայացուց որպէս լո՛յսը աշխարհին.- «Ես որպէս լո՛յս եկայ աշխարհ, որպէսզի ով որ ինծի հաւատայ խաւարի մէջ չմնայ» (Յհ 12.46):

Աստուած ո՛չ միայն ստեղծիչն է լոյսին, այլ լո՛յս է իր էութեամբ ու յայտնութեամբ: Արդ, լոյսի ներկայութիւնը Աստուծոյ ներկայութիւնն է. լոյսի բացակայութիւնը՝ Աստուծոյ բացակայութիւնը: Այս խոր գիտակցութենէն մղուած Հին Կտակարանի մարգարէները աղերսեցին Աստուծոյ ըսելով՝ Տէր, դրկէ քու լոյսդ, որպէսզի առաջնորդէ մեզ կեանքի խաւար ճամբաներուն մէջ (Սղ 43.3): Սակայն, խաւարին դիմաց, աշխարհի ճշմարի՛տ լոյսին հաւատարիմ ըլլալու կոչուած մարդը հեռու պահեց զԱստուած՝ մեղքով, ատելութեամբ ու չարով լեցուն իր կեանքէն:



Եւ ահա օր մը, աշխարհի խաւարին մէջ Բեթղեհեմէն հնչեց ձայնը Աստուծոյ Որդւոյն՝ «Ե՛ս եմ լոյսը աշխարհին» (Յհ 8.12): Երկնային լոյսը իջած էր երկիր: Լոյսի մարդեղացումը ինքնանպատակ չէր. անոր նպատակը խաւարի մէջ կորսուած մարդուն պայծառակերպումն էր. մարդու պատճառով խաւարի վերածուած տիեզերքին վերալուսաւորումն էր՝ երկնային կենսատու լոյսով:

Աշխարհին որպէս լոյս յայտնուած Աստուծոյ Որդին, երկնային լոյսը առատօրէն բաշխեց մարդոց՝ կոյրերուն աչքերը բանալով, համբերուն լեզու տալով, մեռելներուն կեանք պարգեւելով, մարդը ազատագրելով խաւարի տիրապետութենէն ու իր առջեւ բանալով յաւիտենական կեանք առաջնորդող լուսեղէն ճամբան: Աստուծոյ մարդեղացած լոյսը՝ Քրիստոս, վստահեցուց մարդը ըսելով՝ «Ով որ ինծի կը հետեւի խաւարի մէջ պիտի չքալէ, այլ պիտի ունենայ այն լոյսը, որ կեանքի՛ն կ՛առաջնորդէ» (Յհ 8.12):

Ահա՛ դարերէն եկող ու դարերուն զացող պատգամը Քրիստոսին: Աշխարհին բոլոր լոյսերը մոլորեցուցիչ են ու ապականիչ: Քրիստոս ի՛նքն է ճշմարիտ լոյսը աշխարհին: Լոյսը հոմանիշ է կեանքի, բարութեան, յաղթանակի, յաւերժութեան, սիրոյ, փրկութեան. իսկ խաւարը՝ չարի, ատելութեան, մեղքի ու մահուան: Արդ,

Քրիստոսի հետեւիլ կը նշանակէ՝ խաւարէն քալել դէպի լոյս, չարէն՝ դէպի բարին, մեղքէն՝ դէպի փրկութիւն, մահէն՝ դէպի կեանք: Քրիստոսի հետեւիլ կը նշանակէ՝ դառնալ լոյսի առաքեալ, մեր շրջապատը լոյս-մտածումներով ու լոյս-գործերով պայծառակերպելով:

Պետրոս Առաքեալ, Քրիստոսի հետեւելու ուխտը կատարած առաջին դարու քրիստոնէաներուն կը յիշեցնէ ըսելով՝ Աստուած Քրիստոսով մեզ «խաւարէն իր սքանչելի լոյսին կանչեց» (Ա.Պտ 2.9). հետեւաբար, այս գիտակցութեամբ հարկ է ապրիլ մեր կեանքը:

Պօղոս Առաքեալ, յիշելէ յետոյ թէ ինք աստուածային լոյսին հալածիչը եղած էր. եւ վկայելէ յետոյ թէ Քրիստոս իրեն սրբազան պարտաւորութիւն մը տուած էր մարդը խաւարէն դէպի լոյս առաջնորդելու (Գրծք 26.18), կը զգուշացնէ քրիստոնէաները ըսելով՝ «խաւարի գործերէն հեռանանք եւ լոյսի զենքերը մեր վրայ առնենք» (Հո 13.12):

Բեթղեհէմը աստուածային լոյսին յաւերժահոս աղբիւրն է՝ յաւիտեանս յաւիտենից: Առանց Բեթղեհէմէն ճառագայթող լոյսին խաւար է մարդկային կեանքը: Բեթղեհէմի ներկայութիւնը ապրիլ կը նշանակէ՝ լոյսի մէջ ապրիլ եւ դառնալ «լոյսի որդիներ»: Բեթղեհէմի խորհուրդով լեցուիլ կը նշանակէ՝ «լոյսի զենքերով» պաշտպանուիլ խաւարին դէմ:

Այս գիտակից հաւատքով մեր ժողովուրդը բացուեցաւ Բեթղեհէմի լոյսին. այս լոյսով շաղախեց իր կեանքը ու թրծեց իր կեանքին սրբազան արժէքներն ու խորհրդանիշերը. այս լոյսին համար ստեղծագործեց, վկայեց, պայքարեցաւ ու նահատակուեցաւ:

Աստուածայայտնութիւնը երկնային լոյսին յայտնութեան տօնն է: Հետեւաբար, ան յիշեցում մըն է աստուածային լոյսին երկիր էջքին. հրաւեր մը՝ դառնալու Բեթղեհէմի յաւերժափայլ լոյսին, եւ կոչ մը՝ լեցուելու այդ լոյսին պայծառակերպիչ զօրութեամբ:

Արդ, սիրելի ժողովուրդ հայոց, եկէ՛ք ընդառաջենք Բեթղեհէմէն եկող աստուածային հրաւերին: Լո՛յս դառնանք մեր կեանքով ու գործով հոն, ուր խաւար կը տիրէ. լոյսի վկա՛ն դառնանք հոն, ուր լոյսի ծարաւը կայ. լոյսի առաքեալը դառնանք հոն, ուր խաւարը լուսագեղ պատմուճաններով կը մոլորեցնէ մեր ազգին զաւակները:

Մեր կեանքին ճշմարիտ լոյսը Բեթղեհէմի մէջ ծնած Յիսուս Մանուկն է: Դառնանք իրեն, մօտենանք իրեն, որպէսզի մեր կեանքին բոլոր օրերը իր լոյսով լեցուին: Մեր կեանքի խաւար ճամբաները, խաւար մտածումները ու գործերը լուսաւորողը Աստուծոյ մարդեղացեալ Որդին է. հետեւի՛նք իրեն:

Զմոռնանք Առաքեալին յորդորը՝ «զգոյ՛շ, չըլլայ թէ քու մէջդ եղող լոյսը խաւարի®» (Ղկ 11.35), որովհետեւ «ան որ խաւարին մէջ կը քալէ՛ չի գիտեր թէ ուր կ'երթայ» (Յհ 12.35):

Մեր կեանքի ճամբան՝ Բեթղեհէմի երկնային լոյսով լուսաւորուած ճամբան է: Քալենք ա՛յս ճամբէն՝ հաւատքով զօրացած, սիրով լեցուած ու լոյսով զօտեպնդուած: Ահա այն ատեն միայն կրնանք ըսել՝ Սաղմոսին բառերով, «Տէրը իմ լոյսս է, ես ո՛չ մէկէն չեմ վախնար» (27.1):

*
* *

Աստուածայայտնութեան խորհուրդով լեցուն այս օրերուն, Հայրապետական օրհնութեամբ կ'ողջունենք Հայաստանի Հանրապետութեան Վսեմաշուք Նախագահ Տիար Արմէն Սարգսեանը, Վսեմաշուք Վարչապետ Տիար Նիկոլ Փաշինեանը եւ Արցախի Հանրապետութեան Վսեմաշուք Նախագահ Տիար Բակօ Սահակեանը, մաղթելով իրենց արդիւնաշատ հայրենանուէր ծառայութիւն:

Եղբայրական ջերմ սիրով կ'ողջունենք Ն.Ս.Օ.Տ.Տ. Գարեգին Բ. Ամենայն Հայոց Կաթողիկոսը, հայցելով Ամենաբարին Աստուծմէ, որ իրեն շնորհէ եկեղեցաշէն իրագործումներով լեցուն գահակալութիւն: Քրիստոնէական սիրով կ'ողջունենք Երուսաղէմի հայոց Պատրիարք՝ Ամենապատիւ Տ. Նուրհան Արք. Մանուկեանը եւ Կոստանդնուպոլսոյ Հայոց Պատրիարքական Տեղապահ Գերաշնորհ Տ. Արամ Արք. Աթէշեանը, մաղթելով իրենց աստուածահաճոյ գործերով լեցուն ծառայութիւն:

Հայրական սիրով եւ հայրապետական օրհնութեամբ կ'ողջունենք Մեծի Տանն Կիլիկիոյ Կաթողիկոսութեան թեմերու թեմակալ առաջնորդները, հոգեւորական դասը, ազգային իշխանութիւններն ու յարակից մարմինները, ինչպէս նաեւ մեր հաւատացեալ ժողովուրդի զաւակները, հայցելով Աստուծմէ, որ Բերդեհեմէն ճառագայթող լոյսով լուսազարդուի իրենց կեանքն ու գործը:

**ԱՐԱՄ Ա. ԿԱԹՈՂԻԿՈՍ
ՄԵԾԻ ՏԱՆՆ ԿԻԼԻԿԻՈՅ**

6 Յունուար, 2019
Անթիլիաս, Լիբանան



ՔՐԻՍՏՈՍ ԾՆԱԻ ԵՒ ՅԱՅՏՆԵՑԱԻ ՁԵՁԻ ԵՒ ՄԵՁԻ ՄԵԾ ԱԻԵՏԻՍ

Առաջնորդ Սրբազանին Սուրբ Ծննդեան քարոզն ու բարեմաղթությունները

**ԲԵԹԼԷՀԷՄԻ ԼՈՅՍԸ՝ ՄԻԱԿ ՃԱՆԱՊԱՐՀԸ
ՅԱԻԻՏԵՆԱԿԱՆ ԿԵԱՆՔԻ**

Տարուան ամենագեղեցիկ շրջանին մեջ կը գտնուինք՝ ամենախորհրդաւոր ու ամենասքանչելի: Ամեն կողմ գոյնզգոյն լոյսեր, պսպղուն աստղեր, շողշողուն ծառեր ու խոնարհ մտւորներ կը տեսնենք: Ծննդեան խորհուրդը հիանալի հրճուանքով կը պարուրէ մեր սրտերը: Այդ հրճուանքը նաեւ իրարու նուէր փոխանակելու մեջ կը գոյանայ: Աստուած Իր Միածինը տուաւ «Բանը մարմին եղաւ եւ մեր մեջ բնակեցաւ» (Յովն. 1.14): Երանի՛, թէ ամեն օր հոգեւոր ուրախութեան մեջ՝ ներքին խաղաղութիւնը ապրինք եւ մոռնանք մեր առօրեայի տաղտուկները: Յիսուսի ծնունդը նուէր մըն է Աստուծոյ կողմէ համայն մարդկութեան:



Ան ծնաւ որպէսզի սեր սփռէ, աշխարհ եկաւ Հօր Աստուծոյ սերը արտայայտելու: Մեծ եւ սքանչելի խորհուրդը այն է, որ Եսայի մարգարէ Քրիստոսի ծնունդէն բաւական առաջ մարգարեացաւ ըսելով. «Ահա մեզի մանուկ մը ծնաւ, Մեզի որդի մը տրուեցաւ

եւ իշխանութիւնը Անոր ուսերուն վրայ պիտի ըլլայ: Եւ Անոր անունը պիտի կոչուի Սքանչելի, Խորհրդակից, Հօր Աստուած, Յաւիտենականութեան Հայր, Խաղաղութեան Իշխան» (Ես. 9.6): Ան մարդացաւ, որպէսզի Աստուծոյ որդեգրութեան արժանանանք: Յիսուս մանուկ էր, որ իր աստուածային ուժով վրդովեց թագաւորը, Յիսուս պատանի էր որ Հրեայ օրէնքի ուսուցիչները իր քարոզութեամբ անակնկալի բերաւ, իր չափահասութեան Ան իշխեց բնութեան վրայ՝ հսկայ ալիքներու վրայէն քալեց, ալեկոծ ծովը հանդարտեցուց, մեռելին կեանք տուաւ եւ հազարաւորներ բժշկեց: Որովհետեւ ծնածը Քրիստոսն էր, երկինքէն իջած Բանն էր, յաւիտենականութեան Թագաւորն էր, Հերովդէս թագաւոր չկրցաւ զինք սպաննել, Սատանան չկրցաւ զԱյն փորձութեան մատնել, մահը չկրցաւ զինք նուաճել, այլ Ինք, նոյն Բեթլէհեմի մանուկը, Իր մահուամբ ու յարութեամբ մահը նուաճեց: Իր ծնունդը՝ Աստուծոյ ամենաթանկագին նուէրը մարդկութեան, Աստուծոյ գերագոյն սիրոյն արտայայտութիւնն է:

Բեթլէհեմի Մանուկը մեզ կ'առաջնորդէ սիրոյ կեանքի եւ արդարութեան: Բեթլէհեմի Աստղը մեզ կ'առաջնորդէ դէպի յաւիտենականութիւն: Անտեսանելի, անմերձենալի Աստուած մարմին եղաւ, մանկացաւ, մարդացաւ, Անոր ծնունդով համայն մարդկութիւնը ունեցաւ մեծ ուրախութիւն:

Աստուածայայտնութեամբ մենք ճանչցանք փրկութիւնը՝ Խորհուրդ մեծ եւ սքանչելի որ յայսմ յաւուր յայտնեցաւ:

Իսկական ուրախութիւնն ու փրկութիւնը կրնանք ձեռք ձգել միայն Յիսուս մանուկը ընդունելով մեր սրտերուն մեջ: Յիսուս Իր ծնունդով, Իր մարդեղանալով, Իր աշխարհ գալով եւ Իր քարոզութեամբ մեզ փրկեց մահուան անդունդէն, գերեզմանի բեռան տակ կքած մեր վիճակէն դէպի վեր բարձրացուց: Աշխարհ եկող Յիսուս Եսայի մարգարէին բերնով մեզի կը յայտնէ իր

առաքելությունը ըսելով. «Տիրոջ Հոգին իմ վրաս է. վասն զի զիս օծեց աղքատներուն անտարանը քարոզելու, զիս զրկեց կոտորած սրտերը բժշկելու, գերիներուն ազատություն տալու եւ կոյրերուն տեսություն քարոզելու, հարստահարները ազատելու եւ Տիրոջ ընդունելի տարին քարոզելու» (Ղկ 4.18-19): Ուրեմն, իսկական ուրախությունը գտնելու համար ծնունդի այս եղանակին պէտք է Քրիստոսի նայինք եւ Ս. Հոգիով լեցունք, բժշկունք, ազատագրունք եւ Աստուծոյ փառքի տեսութեան արժանանանք:

Յիսուսի ծնունդը խոնարհութեան պատգամ է: Յիսուս երկնքի Իր փառքը թողած երկիր իջաւ, Ան մեզի համար աղքատացաւ, որպէսզի մենք Իր աղքատանալով հարստանանք (Բ. Կրնթ 8.9): Ան մեզի խոնարհութեան ու հեղութեան սքանչելի դաս մը տուաւ: Խոնարհութեան տիպար՝ մանկացեալ Յիսուս, ամէն իշխանութեան Տէրը, ինքզինք խոնարհեցուց, ծառայի կերպարանք առաւ, մարդոց նման ըլլաով (Փիլ 2.7-8): Ան եղաւ մարդոց ծառան եւ մեծագոյն տիպարը ծառայութեան մեզի սորվեցնելով, որ մեծնալու միակ ճամբան խոնարհութեան եւ ծառայութեան ճամբան է:

Քրիստոս ծնաւ որպէսզի լոյս սփռէ: Առաքեալը կ'ըսէ. «Դուք լուսաւորներու պէս կը փայլիք աշխարհի մէջ» (Փիլ 2.15): Յիսուսի հետեւողները կանչուած են նմանելու Բեթլէհեմի երկնակամարին վրայ ճառագայթող յաւիտենական աստղին: Յիսուս ըսաւ. «Ես եմ աշխարհի լոյսը» (Յվ 8.12): Մենք ալ աշխարհի վրայ լոյսեր դառնանք եւ փայլինք մեր մաքուր, անբասիր եւ օրինակելի ու տիպար հաւատացեալի կեանքով:

Ուրեմն, ծնունդին իսկական պատգամը հետեւեալն է.- Աստուած իր Որդին զրկեց Իր հայրական սէրը յայտնելու եւ յուսալքուած մարդկությունը փրկելու: Ծնունդը Քրիստոսը ճանչնալու եւ Անոր մեզի բերած փրկությունն ու յաւիտենական կեանքը ընդունելու ուրախ առիթն է: Մեր կեանքը սքանչելի կ'ըլլայ այն ատեն, երբ ճանչնանք ծնեալ եւ օծեալ Քրիստոսը: Ա՛յն ատեն մեր կեանքը կ'ըլլայ խորհուրդ մեծ եւ սքանչելի:

Մեր Տիրոջ Յիսուս Քրիստոսի Ս. Ծննդեան ցնծագին առիթով մեր ժողովուրդին ի Հայաստան եւ ի սփիւռս աշխարհի կը մաղթենք, որ 2019 տարին ըլլայ առողջութեան եւ յաջողութիւններու տարի մը: Թող Բեթլէհեմի աստղը որպէս փարոս լուսաւորէ մեր ժողովուրդի կեանքը, որպէսզի անով առաջնորդուելով ան կարողանայ իրականացնել իր տենչերը: Մեր հայրենիքին՝ Հայաստանին եւ մեր երկրորդ տան՝ Քուէթին կը մաղթենք բարօր, խաղաղ եւ օրինաբեր տարի մը, ինչպէս նաեւ մեր աղօթքը կը բարձրացնենք առ Ամենաբարին Աստուած, որ Մեծի Տանն Կիլիկիոյ գահակալ՝ Ն.Ս.Օ.Տ.Տ. Արամ Ա. Վեհափառ Հայրապետին պարգեւէ քաջառողջութիւն եւ երկարամեայ երջանիկ գահակալութիւն, եւ Անոր առաջնորդութեամբ Կիլիկիոյ Կաթողիկոսութեան, թեմերուն, միաբաններուն եւ Դպրեվանքի սաներուն՝ բարեյաջող եւ նորանոր իրագործումներով լի տարի:

Այժմ, մեր ձայնը երկինքի հրեշտակներու ձայնին միացնելով՝ ցնծութեամբ կ'աւետենք.

ՔՐԻՍՏՈՍ ԾՆԱԻ ԵՒ ՅԱՅՏՆԵՑԱԻ, ՁԵՁԻ ԵՒ ՄԵՁԻ ՄԵԾ ԱԻԵՏԻՍ:

Մասիս Եպս. Զօպույեան

**Առաջնորդ Քուէթի եւ
Շրջակայից Հայոց Թեմի**

5 Յունուար 2019

Քուէթ

www.aztarar.com

ՀԱՅԿԱԿԱՆ

Արցախի Նախագահը Արա Բաբլոյեանը Պարզեատրած Է «Մեսրոպ Մաշտոց» Շքանշանով

Արցախի Հանրապետութեան նախագահ Բակո Սահակեան 2 Յունուարին ընդունած է Հայաստանի Հանրապետութեան Ազգային ժողովի նախագահ Արա Բաբլոյեանը:

Դոնփակ հանդիպումը այնուհետեւ շարունակուած է ընդլայնուած կազմով:

Նախագահ Բակո Սահակեան երախտագիտութիւն յայտնած է Արա Բաբլոյեանին՝ իր պաշտօնավարման ժամանակաշրջանին Արցախին յատուկ ուշադրութիւն դարձնելու, հայկական երկու հանրապետութիւններուն միջեւ կապերը ամրապնդելու համար եւ անոր մաղթած յաջողութիւն ու ամենայն բարիք:

Նախագահը Արցախի Հանրապետութեան մատուցած ծառայութիւններուն համար Արա Բաբլոյեանը պարգևատրած է «Մեսրոպ Մաշտոց» շքանշանով:

Հանդիպումին ներկայ էին Արցախի Ազգային ժողովի նախագահ Աշոտ Ղուլեանը, պետական նախարար Գրիգորի Սարտիրոսեանը եւ պաշտօնատար այլ անձեր:

Մակնիթոկորսքի Մէջ Զոհերուն Թիւր Հասած Է 38-ի. Նիկոլ Փաշինեան Ցաւակցական Հեռագիր Յղած Է Վլատիմիր Փութինին

Ըստ «Ռիա Նովոսթի»-ին, Ռուսիոյ Մակնիթոկորսք քաղաքի բնակելի շէնքերէն մէկուն մէջ տեղի ունեցած է կազի պայթում, որուն պատճառով արձանագրուած զոհերուն թիւը հասած է 38-ի: Շէնքին մէջ կ'ապրէին 120 անձեր: Փլատակներուն տակէն դուրս բերուած են դիակները 38 բնակիչներու, որոնցմէ վեցը՝ երեխաներ: Մակնիթոկորսքի մէջ ընդհանուր քննութիւններ սկսած են, որպէսզի բնակելի շէնքին կազի սարքաւորումներուն վիճակը ստուգուի:



Այս ողբերգութեան առիթով Հայաստանի վարչապետի պաշտօնակատար Նիկոլ Փաշինեան ցաւակցական հեռագիր յղած է Ռուսիոյ նախագահ Վլատիմիր Փութինին՝ խնդրելով Հայաստանի ժողովուրդին անունով զոհերուն հարազատներուն եւ բարեկամներուն փոխանցել անկեղծ ցաւակցութիւններ, իսկ բոլոր վիրաւորներուն՝ շուտափոյթ ապաքինում:

Ծերակոյտը Հաստատեց Հայաստանի Եւ Ազրայէճանի Մէջ Դեսպաններու Թեկնածուները

Միացեալ Նահանգներու Ծերակոյտը հաստատած է Լին Թրէյսին՝ Հայաստանի մէջ եւ Ըրլ Լիցընպըրկըրը Ազրայէճանի մէջ դեսպաններ նշանակելու՝ նախագահ Տանըլտ Թրամփի առաջարկը: Այս մասին կը հաղորդէ «Ազատութիւն» ձայնասփիւռի կայանը:

Թրէյսի Միացեալ Նահանգներու արտաքին գործոց նախարարութեան Ռուսիոյ հարցերով աւագ խորհրդականն էր, նախապէս դիւանագիտական բարձր պաշտօններ վարած է Ռուսիոյ, Թուրքմենիստանի եւ Ղազախստանի մէջ:

Նախապէս Ծերակոյտին մէջ տեղի ունեցած լսումներուն ընթացքին Լին Թրէյսին գովեստով խօսած է Հայաստանի մէջ տեղի ունեցած խաղաղ իշխանափոխութեան մասին՝ ընդգծելով, որ Հայաստան տակաւին պէտք է շարունակէ աշխատիլ անցեալ վեց ամիսներու նուաճումները ամրագրելու համար: Ան յայտարարած էր, թէ պաշտօնը ստանձնելու պարագային պիտի շարունակէ իր նախորդին՝ դեսպան Ռիչըրտ Միլզի առաքելութիւնը՝ սատարելու հայ ժողովուրդին, որ կը պահանջէ պատասխանատու կառավարում, անարդար մենաշնորհներէն ազատ տնտեսութիւն, մարդու իրաւունքներու եւ հիմնարար ազատութիւններու ապահովում, անկախ դատական համակարգով երաշխաւորուած օրէնքի գերակայութիւն եւ հաւասարակշռութեան ու զսպումներու վրայ խարսխուած կառավարման համակարգ:

Ազրայէճանի մէջ Միացեալ Նահանգներու նոր նշանակուած դեսպանը նոյնպէս բարձր դիւանագիտական պաշտօններ վարած է Մերպիոյ եւ Խըրխըզիստանի ամերիկեան դեսպանատուներուն մէջ, եղած է գերմանական «Մարշըլ» հիմնադրամին մէջ աւագ գիտաշխատող, Աֆղանիստանի մէջ ՕԹԱՆ-ի ներկայացուցիչի տեղակալ:

Թուրքիոյ Խորհրդարանին Մէջ Փայլանի Հայերէն Խօսքը Մտահոգած Է Թուրք Ազգայնականները

Թուրքիոյ այսպէս կոչուած «Հայկական անհիմն պնդումներու դէմ միաւորում» կազմակերպութիւնը դարձեալ դժգոհ է ընդդիմադիր Ժողովուրդներու Ժողովրդավարական կուսակցութեան անդամ, խորհրդարանի Տիգրանակերտէն ընտրուած հայազգի երեսփոխան Կարօ Փայլանի գործունէութենէն:

Ազգայնականներուն այս անգամ բարկացուցած է խորհրդարանին մէջ Փայլանի հայերէն խօսքը: Այս մասին կը հաղորդէ Պոլսոյ «ՀայԹերթ»-ը:

Օրեր առաջ Փայլան խորհրդարանին մէջ իր արտասանած խօսքին մէջ շնորհաւորած էր Հայաստանի ժողովուրդն ու իշխանութիւնները արտակարգ խորհրդարանական ընտրութիւններու կայացման վերաբերեալ եւ Թուրքիոյ իշխանութիւններուն կոչ ուղղած՝ պատշաճ կերպով արձագանգելու Հայաստանի վարչապետի պաշտօնակատար Նիկոլ Փաշինեանի՝ հայ-թրքական յարաբերութիւններու կարգաւորման համար երկխօսութեան դիմելու պատրաստակամութեան մասին յայտարարութեան:

«Յաջողութիւն Նիկոլ Փաշինեանին եւ անոր ընկերներուն», հայերէն ըսած էր Փայլան:



«Թուրքիոյ խորհրդարանի պաշտօնական լեզուն թրքերէնն է, եւ ատիկա ամրագրուած է Թուրքիոյ Հանրապետութեան սահմանադրութեամբ: Երբ շարք մը քիւրտ երեսփոխաններ իրենց երդումը քրտերէն արտասանեցին, ատիկա բողոքարկուեցաւ, եւ անոնց պարտադրուեցաւ անգամ մը եւս՝ թրքերէն արտասանել երդումը: Ի՞նչ պիտի ըլլայ, եթէ Թուրքիոյ մէջ ապրող ամէն ազգ խորհրդարանին մէջ սկսի իր լեզուով խօսիլ», լրատուամիջոցներու հետ զրոյցի ընթացքին յայտարարած է «Հայկական անհիմն պնդումներու դէմ միաւորում»-ի նախագահ Կեօքսել Կիւլպէ:

Ան հայազգի երեսփոխանը մեղադրած է խորհրդարանի ամպիոնը իր շահերուն համար օգտագործելու, թուրք ազգը ցեղասպանութեան համար մեղադրելու համար:

Ըստ Կիւլպէյի, Փայլան իր արտասանած հայերէն վերջին նախադասութեամբ «գաղտնի ուղերձ» յղած է՝ ակնարկելով, որ խորհրդարանին մէջ պիտի շարունակէ շահարկել Հայոց ցեղասպանութեան հարցը:

«Սուրիոյ Մէջ Լարուածութիւնը Մեղմացաւ Շնորհիւ Թուրքիոյ Եւ Իրանի Չանքերուն» Կ'ըսէ Չարիֆ



Իրանի արտաքին գործոց նախարար Մոհամետ Ճաւատ Չարիֆ յայտնեց, որ Սուրիոյ մէջ լարուածութիւնը մեղմացած է շնորհիւ Թուրքիոյ եւ Իրանի ջանքերուն՝ նշելով. «Աշխարհի վրայ փոփոխութեան մեծ հոլովոյթ արձանագրուեցաւ, եւ մեծ տէրութիւնները այլեւս անկարող են առանձին որոշումներ տալու»:

Իրանեան դիւանագիտութեան պետը Մաշհատ քաղաքին մէջ իր արտասանած խօսքին մէջ ըսաւ. «Սուրիոյ մէջ արեւմտեան երկիրներու քաղաքականութիւնը ձախողութեան մատնուեցաւ, եւ այդ երկրին մէջ լարուածութիւնը մեղմացաւ շնորհիւ Թուրքիոյ եւ Իրանի ջանքերուն»:

«Արեւմտեան երկրի մը արտաքին գործոց նախկին նախարարը ուզեց ժողովներէն մէկուն ընթացքին Սուրիոյ մէջ զինադադար յայտարարել, եւ մէկ շաբաթ ետք ի յայտ եկաւ, որ ձախողած են: Ապա Թուրքիոյ հետ Ասթանայի մէջ համաձայնութիւն գոյացուցինք եւ տեսանք, որ այդ համաձայնութիւնը երկու տարի առաջ յանգեցաւ Սուրիոյ մէջ լարուածութեան մեղմացման: Կը յուսանք, որ ապագային ալ շարունակէ այդ ուղղութեամբ ընթանալ», նշեց Չարիֆ:

www.kantsasar.com

ՄԻՋԱԶԳԱՅԻՆ

Պոլթըն, Ճեֆրի Եւ Զօր. Տանֆըրտ Շաբաթ Օր Պիտի Այցելեն Թուրքիա Եւ Իսրայել՝ Քննարկելու Համար Սուրիոյ Հարցը

Միացեալ Նահանգներու արտաքին գործոց նախարար Մայք Փոմփեո յայտարարեց, որ Մպիտակ տան ազգային անվտանգութեան խորհրդատու Ճոն Պոլթըն եւ Սուրիոյ հարցով ամերիկացի յատուկ պատուիրակ Ճէյմս Ճեֆրի յառաջիկայ շաբաթ պիտի մեկնին Թուրքիա՝ քննարկելու համար Սուրիոյ հարցը:



Փոմփեո յայտնեց, որ ամերիկեան ուժերու Սուրիայէն հեռացումը կը շարունակուի՝ ընդգծելով, որ Միացեալ Նահանգներ կ'ուզեն վստահ ըլլալ, թէ ամերիկեան ուժերու Սուրիայէն հեռացումէն ետք «Թուրքիան պիտի չհարուածէ քիւրտերը»:

Պոլթըն իր կարգին յայտարարեց, որ Ճեֆրիի եւ ամերիկեան բանակի սպայակոյտի պետ Ճոզըֆ Տանֆըրտի հետ պիտի այցելէ Թուրքիա եւ Իսրայել՝ ամերիկեան ուժերու Սուրիայէն հեռացումը համակարգելու համար:

Ան ընկերային ցանցի վրայ գրառում կատարելով նշեց. «Վաղը (այսօր) կը մեկնիմ Իսրայել եւ Թուրքիա՝ Սուրիայէն ամերիկեան ուժերու հեռացման եւ ՏԱՀԵՇ-ի վերստին յայտնուելու կանխարգիլման կարելիութիւնը քննարկելու, ՏԱՀԵՇ-ի դէմ մեր կողքին կռուածներուն կողքին կանգնելու եւ շրջանին մէջ իրանեան վնասակար վարուելակերպին դէմ պայքարելու շուրջ քննարկում կատարելու համար»:

Մինչ այդ, Քրեմլին Չորեքշաբթի օր յայտարարեց, որ Ռուսիոյ նախագահ Վլատիմիր Փութին հեռաձայնային հաղորդակցութեան մը ընթացքին Իսրայելի վարչապետ Պենիամին Նեթանիահուի հետ քննարկած է Սուրիայէն ամերիկեան ուժերու հեռացման հարցը:

Հաղորդակցութիւնը տեղի ունեցած է Իսրայելեան կողմին նախաձեռնութեամբ:

Իրաք Կը Զօրակցի Սուրիոյ՝ Արաբական Լիկայի Մէջ Իր Աթոռը Վերստանձնելուն

Իրաքի արտաքին գործոց նախարար Մոհամետ Ալի Հաքիմ յայտնեց. «Իրաք կը զօրակցի Սուրիոյ՝ Արաբական լիկայի մէջ իր աթոռը վերստանձնելուն»:

«Իրաք կը զօրակցի Սուրիոյ միութեան եւ արաբական աշխարհին ու շրջանին մէջ անոր բնական դիրքին վերադառնալուն եւ Արաբական լիկայի մէջ իր աթոռը վերստանձնելուն», ընդգծեց Հաքիմ:

ԱԿՆԱՐԿ

Այսօր Նոր Արշակ Ջամալեաններու Կարիք Ունինք



27 դեկտեմբեր 1940-ին հասարակական, քաղաքական, Հայաստանի Ա. Հանրապետութեան ընթացքին պետական գործիչ եւ դաշնակցական տեսաբան Արշակ Ջամալեանը իր մահկանացուն կնքեց:

Յաճախ, երբ ազատ ժամանակ ունենամ, կը թղթատեմ ու հաճոյքով կը կարդամ հայկական հասարակական ու քաղաքական կեանքին վերաբերող գիրքեր, գրքոյկներ, պաշտօնաթերթեր ու զանազան հրատարակութիւններ: Ինծի ամենէն սիրելի հրատարակութիւններէն մին է Հայ յեղափոխական դաշնակցութեան «Դրօշակ» պաշտօնաթերթը:

Վերջին քանի մը շաբաթներուն, երբ սկսայ կարդալ «Դրօշակ» Յունուար 1926-ի թիւ 1-ին մէջ (249) լոյս տեսած «Օրագրային խնդիրներ» յօդուածը, ապա մարտ 1926-ին «Դրօշակ»-ի թիւ 3-ին (251), ապրիլ 1926-ի թիւ 4-ին (252) եւ մայիս 1926-ի թիւ 5-ին (253) մէջ «Օրագրային հարցեր» բաժինով «Մարքսիզմի փոխակերպութիւնները Հայդրբըրգի ծրագրում» յօդուածաշարքը, յանկարծակի աչքիս զարկաւ այդ յօդուածներու հեղինակին ստորագրութիւնը՝ Արշակ Ջամալեան:

Ջամալեան խոր ուսումնասիրութիւնը կատարելով Գերմանիոյ Ընկերվար-ժողովրդավարական կուսակցութեան այդ ժամանակուան նոր հրատարակուած ծրագիրին(1925), նոր շունչ եւ նոր ոգի հաղորդեց հայկական քաղաքական մտքին ընդհանրապէս ու ՀՅ Դաշնակցութեան գաղափարաբանական վաստակին՝ յատկապէս քայլ պահելով միջազգային ընկերվարական մտածողութեան զարգացման հետ:

Ընկերվարութիւնը, չոր ու քարացած գաղափարախօսութիւն մը չէ, որ մնայ նոյն ուղղութեան վրայ՝ իր ձեւաւորման օրէն մինչեւ վերջ, այլ յառաջդիմական ու լայնամիտ գաղափարախօսութիւն մըն է, որ ինքզինք կը վերանորոգէ ենթակայական ու առարկայական զարգացումներուն հետ՝ միշտ ալ ձգտելով կերտել աւելի արդար համակարգ:



Արշակ Ջամալեան իր «ՀՅ Դաշնակցութիւնը եւ ընկերվարութիւնը» աշխատութիւնը գրելու ժամանակ նկատի առած էր մարդիկ, որոնք յոռետես գտնուած են (ու տակաւին կը գտնուին)՝ ըսելով, որ ընկերվարութիւնը մարդկային արդարութեան պահանջէն բխած գեղեցիկ երազ մըն է, բայց անոր իրականացումը խիստ թեական է:

«ՀՅ Դաշնակցութիւնը եւ ընկերվարութիւնը» աշխատութեան մէջ ան կը պատասխանէ այդ յոռետեսներուն՝ ըսելով. «Բացատրեցէ՛ք այս ընկերներուն, թէ

մարդկությունը, իր քաղաքակրթական վերելքի ընթացքին, ի՛նչ ցնորական երազներ իրականացած է գիտության, արհեստագիտության եւ հանրային կազմակերպչության մարզերուն մէջ, երազնե՛ր, որոնց յղացումն իսկ ժամանակ մը համագոր կը նկատուէր մտաւոր խանգարման կամ խելագարութեան. ցոյց տուէ՛ք, թէ մարդ անհատը ի՛նչ հսկայական ճանապարհ կտրած-անցած է դէպի «հրեշտականման» կատարելութիւն, սկսած այն օրէն, երբ ան իր ձեռքը ընկած մերձաւորին կը յօշոտէր ու կը լափէր, միաժամանակ հասկցնելով անոնց, թէ ներկայ հասարակարգին մէջ տիրող շահագործումը, տնտեսական անապահովութիւնը, ընդհանրապէս նիւթական շահերու աններդաշնակութիւնը ի՛նչ ակերիչ դեր խաղցա ծ են մարդ-անհատի կատարելութեան գործին մէջ. պարզեցէ՛ք անոնց, թէ առարկայական ի՛նչ գործօններ կան հանրային կեանքին մէջ, որոնք անխուսափելի կը դարձնեն ընկերվարութեան իրականացումը. վերջապէս, պատմեցէ՛ք անոնց ընկերվարական մտքի ու շարժումներու յաղթական ընթացքը եւ այն հսկայական նուաճումները, որ անոնք կատարած են միայն վերջին տասնամեակներուն ընթացքին»: Արշակ Ջամալեան իր «ՀՅ Դաշնակցութիւնը եւ ընկերվարութիւնը» աշխատութեան մէջ կը գրէ այդ յոռետեսներուն մասին, որոնք տարակուսանքի մէջ էին ընկերվարութեան իրականացման գծով՝ տեսնելով այդ մէկը իբրեւ «ցնորապաշտ» կամ «գեղեցիկ երազ»: Ան կ՛աւելցնէ. «Երբ այս աշխատանքը կատարէք, իսկոյն կը նկատէք, որ ձեր դիմացը նստած դաշնակցականի յոռետեսութեան սառոյցը կը հալեցուի եւ անոր տարակուսանքը՝ ընկերվարութեան անհրաժեշտութեան եւ հնարաւորութեան մասին, զգալի չափով կը վերանայ»:

Ներկայիս ալ դժբախտաբար կան նոյնանման մարդիկ, որոնք ընկերվարութիւնն ու անոր համամարդկային արժէքները կը նկատեն «ժամանակավրէպ», «հինցած» կամ «անիրականանալի»: Նոյն այդ յոռետեսները այսօր կարիքը ունին դիտելու, թէ ինչպէ՛ս Սպանիան ու Փորթուգալը յաղթահարեցին տնտեսական ճգնաժամը՝ շնորհիւ ընկերվարական կուսակցութիւններուն վարած քաղաքականութիւններուն: Ուսումնասիրելէ ետք անոնք պիտի զգան ընկերվարական արժէքներու կարեւորութիւնը հայկական կեանքին մէջ, մանաւանդ՝ ներկայիս, երբ Հայաստան կ՛ապրի անցումային շրջան եւ կարիքը ունի այլընտրանքի:

Այսօր, հաշուի առնելով հայաստանեան կեանքին մէջ արձանագրուած քաղաքական, ընկերային եւ տնտեսական զարգացումները, որոնք հետզհետէ կ՛ամրապնդեն տնտեսական ազատականութիւնը եւ կը յարմարցնեն նախկին տնտեսական համակարգը ներկայիս հաստատուած քաղաքական համակարգին հետ, հայաստանեան քաղաքական կեանքը զգալիօրէն կարիքը ունի նոր Արշակ Ջամալեաններու, որոնք պէտք է ուսումնասիրեն միջազգային ընկերվարական մտածողութեան զարգացումները եւ ՀՅ Դաշնակցութիւնը դարձնեն այնպիսի ուժ մը, որ կրնայ հանդիսանալ համաժողովրդային ընդդիմադիր ուժ՝ ընդդէմ նոր-ազատական քաղաքականութիւններուն: Քաղաքական ուժ մը, որ նեցուկ կանգնի ընկերային շարժումներուն՝ վասն ընկերային եւ տնտեսական արդարութեան հաստատման: Ուժ մը, որ համաձայն իր գաղափարաբանական սկզբունքներուն, առաջնահերթ նկատէ նաեւ ընկերային-տնտեսական հարցերը:

ՆԱԹԱՆ ՊԵՏՏՐՈՍԵԱՆ

www.aztagdaily.com

ԱՆՆՄԱՆՄԱՐ

Նագովրեցին՝ Իրա՛ւ Յեղափոխականը

Քրիստոսի Ծննդեան եւ Աստուածայայտնութեան տօնը կրօնական իր բովանդակութեան առընթեր հասարակական ու համամարդկային արժէք կը ներկայացնէ անկասկած:

Կրնայ արտասովոր թուիլ Աստուծոյ Միածին Որդւոյն Ծնունդի մասին աշխարհական ու քաղաքական մարդու գրառումը, սակայն ըստ էութեան կրօնականէն անդին անհրաժեշտ է նաեւ Քրիստոսի Ծնունդը դիտարկել մերօրեայ պայմաններուն, կատարուող փոփոխութեանց, արժէքներու ըմբռնողութեանց կամ ապարժէքային նորաստեղծ հեղեղումներու, սկզբունքներու, սովորութեանց եւ աւանդութեանց զարգացման, երբեմն ոտնակոխման ու յաճախ նենգափոխման անկիւնէն:

Եւ դեռ, դիտարկել Քրիստոսի ծնունդէն 2018 տարի ետք, քրիստոնէութեան եւ քրիստոնէական վարդապետութեան ապրած հոլովոյթէն բխող հիմնական դրոյթներուն դիմափոխումը, խօսքի եւ իրականութեան բախումը եւ քրիստոնէութիւնը իբրեւ առօրեայ կենցաղ ապրելու դժուարութիւնը:

Ու մանաւանդ, իբրեւ հայ մարդ ու հայ եկեղեցւոյ զաւակ, քրիստոնէութիւնը ապրելու, քրիստոնէութեամբ հայ մարդու դիմագիծը ամրապնդելու, ու հայ մարդու քրիստոնէական յանձնառութեամբ հաւաքական յաղթանակ տանելու հրամայականը՝ առանց հակադրուելու այլ կրօններու եւ հաւատալիքներու:

Քրիստոս ինք մարդկութեան պատմութեան մեծագոյն յեղափոխականը եղաւ: Իր ծնունդը մարդկութեան երկունքէն եկաւ, մարդու կեանքը յեղափոխելու եւ անոր տալու ընդհանրական արժէքներ՝ սէր, արդարութիւն, խաղաղութիւն, հաւասարութիւն եւ ծառայութիւն:

Թշուառութենէ եկող մանուկ Յիսուս ծնաւ մտորի մէջ՝ խանձարուրով: Բեհեզեայ զգեստներ եւ աղամանդակուո զարդեր չունեցաւ Ան:

Մինչեւ 33 տարեկան Աստուծոյ Որդի Քրիստոս աշխատեցաւ իր օրինակով համոզել մարդոց:

Ինք փնտռեց իր աշակերտները՝ ձկնորսներ եւ ոչ մեծատուններ:

Ինք շրջեցաւ ոտաբոյսիկ՝ առանց ոսկի գաւազանի, ու փնտռեց աղքատը, հիւանդը, թշուառը, մանուկը, մոլորածը, անդամաւոյժն ու բորոտը:

Ինք գոհացաւ պատառ մը հացով, բայց կերակրեց հազարներ:

Մտաւ տաճար ու Ինք խարազանեց եւ արտաքսեց սեղանաւորներն ու մաքսաւորները, վաշխառուներն ու տաճարը առեւտրական կեդրոնի վերածողները:

Եղաւ խոնարհ ու համեստ, լուաց իր աշակերտներուն ոտքերը՝ իբրեւ նշան հեզութեան ու աշակերտներու մեծութեան:

Եղաւ ներող նոյնիսկ անոնց, որոնք դաւաճանեցին Իրեն:

Գործեց հրաշքներ, մի՛շտ Իր Հօր անունով, առանց պարծենկոտութեան, առանց ինքնագովութեան, առանց ցուցադրամոլութեան:

Ու միշտ ձգտեցաւ տալ աւելի՛ն: Իր տկարութեան վայրկեաններուն մէջ իսկ, հեռու մնաց ինքնագոհութեան բարդոյթէն:

Ու հաւատալով Իր Հօր կողմէ Իրեն տրուած առաքելութեան, հալածուեցաւ, չարչարուեցաւ ու խաչուեցաւ, բայց միշտ մնաց հաւատարիմ Խօսքին, հաւատացեալ՝ Գործին ու մարդկութեան ազատագրութեան:

Եթէ կը տօնենք Քրիստոսի Ծնունդը, աստուածաբանական ըմբռնումներու եւ վերլուծումներու կողքին, ճանչնանք այդ Ծնունդը նաեւ իբրեւ ընկերային արդարութիւն հաստատող, սէր ու միութիւն սերմանող, խաղաղութիւն բերող, ստրկութեան տարբեր կապանքները քանդող, հաւասարութիւն պահանջող մարդու ծնունդ:

Ճանչնանք այդ Ծնունդը իբրեւ աստուածային առաքելութիւն, որ եկաւ ծառայելու ժողովուրդի բոլոր դասակարգերուն՝ առանց ծափի ու թմբուկի:

Ճանչնանք այդ Ծնունդը իբրեւ խոնարհութեան, հեզութեան, պարզութեան, անկեղծութեան ու համեստութեան հիմնական արժէք, թելադրանք եւ կեանքի ընթացք:

Ու մանաւանդ ճանչնանք իրա՛ւ յեղափոխական Նազովրեցին, որուն Վարդապետութիւնը քսան դարերէ ի վեր կը շարունակէ ապրիլ, երբեմն տկարութեամբ, երբեմն գունաթափումով, երբեմն կասկածով, բայց միշտ կը շարունակէ մնալ մարդու ուղղութիւնն ու տեսակը ճշդող փարոս:

Իրաւ յեղափոխականի, գործով յեղափոխականի անձնական վարակիչ օրինակով: Յեղափոխականի լաւագոյն, մեծագոյն տիպարն է Քրիստոս:

Ու աշխարհով մէկ տարածուած հայ մարդը, իր ժողովուրդի գոյատեւման հաւատացող հայ մարդը, եկեղեցականն ու աշխարհականը, երեցն ու երիտասարդը, կինն ու այր մարդը, երեխան ու ալեհերը, հայախօսն ու օտարախօսը, հարուստն ու աղքատը, առողջն ու հիւանդը, պետական այրը կամ պարզ քաղաքացին, բայց մանաւանդ ու առաջին հերթին մեր ժողովուրդի ճակատագիրը իր պատասխանատուութիւնը նկատած ու նկատող կղերականն ու աշխարհականն ղեմքերը իրենք պարտին Քրիստոսի մէջ տեսնել ընկերային արդարութիւն ճառագայթող յեղափոխական մարդն ու քալեն այդ ճանապարհէն խոնարհութեամբ եւ մանաւանդ հաւատքով՝ առանց պարծենկոտութեան ու ինքնագոհութեան:

Այդ ժամանակ միայն կ'արժեւորուին Ծննդեան աղօթքներն ու բարեմաղթութիւնները,

Հայ մարդու բերնէն ելած հայադրոշմ աղօթքը:

Յ. ԲԱԳՐԱՏՈՒՆԻ

ԱՅԼԱԶԱՆ

**Ինչպե՞ս Կը Պատկերացնէք Ս. Ծնունդի Գիշերը. Ինչպիսի՞
Անձ Էք Դուք**

Ամանորն ու Ս. Ծնունդը շատերու համար ամենասիրելի տօներն են: Ինչպե՞ս կը պատկերացնէք ձեր Ս. Ծնունդի գիշերը. պահանջկո՞տ էք, ժուժկա՞լ... պատասխանեցէք հաւանական պատասխաններով այս փորձ-հարցարանին, ապա կարդացէք եւ իմացէք, թէ ինչպիսի՞ անձ մըն էք դուք:

- 1 -

Ո՞ր կը սիրէք նշել Ս. Ծնունդը.

- ա.- Ընտանիքին հետ, տան մէջ: (2)
- բ.- Գիւղը, մարդոցմէ հեռու: (2)
- գ.- Ճաշարանի մը մէջ: (3)

- 2 -

**Ինչպիսի՞ շրջապատի մէջ կը ցանկաբ
անցընէլ Ս. Ծնունդը.**

- ա.- Ընտանիքի անդամներուն կամ մտերիմ բարեկամներու հետ: (5)
- բ.- Անձանօթ միջավայրի մէջ: (4)



- 3 -

Ինչպիսի՞ երաժշտութիւն կը նախընտրէք լսել.

- ա.- Այն, ինչ որ ճաշարանը կ'առաջարկէ: (1)
- բ.- Ձեր նախասիրած սկաւառակները: (2)
- գ.- Դուք կ'երգէք կամ երաժշտական գործիք կը նուագէք: (3)

- 4 -

Ինչպե՞ս պէտք է Ս. Ծննդեան սեղանը.

- ա.- Չափազանց առատ: (4)
- բ.- Չափաւոր, առանց մսխումի: (2)
- գ.- Համեստ, բայց՝ ներկաներու ճաշակին համապատասխան: (1)

- 5 -

Շնորհատրական «SMS»-ներ կ'ուղարկե՞ք.

- ա.- Բոլոր ծանօթներուն: (3)
- բ.- Միայն մտերիներուն: (2)
- գ.- Ոչ ոքի: (1)

- 6 -

Ցատուկ յայտագիր նախատեսա՞ծ էք Ս. Ծնունդի գիշերուան համար.

- ա.- Այո՛, երգով, պարով եւ բաժակաճառով: (1)
- բ.- Միայն բաժակաճառեր: (2)
- գ.- Ոչ մէկ յայտագիր: (1)



- 7 -

Նուէրներ կը փոխանակե՞ք.

- ա.- Ս. Ծնունդին՝ ոչ. արդէն Նոր տարուան գիշերը նուէրի փոխանակում եղած է: (1)
- բ.- Այո՛, նոյնիսկ բարեկամներու: (3)
- գ.- Միայն ընտանիքի անդամներուն: (2)

ԱՐԴԻԻՆՔ

Եթէ առաւելագոյնը 10 կէտ հաւաքեցիք, դուք համեստ եւ ամկոտ անձ էք: Կեանքի մէջ կը փնտռէք գործնականը, ինայողասեր էք եւ կը զգուշանաք մսխումէ: Յաճախ կը խուսափիք մեծ ու աղմկոտ շրջապատէ, հանգիստ կը զգաք ընտանեկան յարկին տակ, իսկ ձեր բարեկամները սակաւաթիւ են:

Եթէ 11-19 կէտ հաւաքեցիք, «ոսկեայ միջին» բնաւորութեան տէր անձ էք, պահանջկոտ չէք եւ կը զգուշանաք ծայրայեղութենէ: Ունիք բաւական լայն ընկերային շրջանակ, փնտռուած եւ հաճելի զրուցակից էք ձեր շրջապատին մէջ:

Եթէ 20-էն աւելի կէտ հաւաքեցիք, դուք մարդամօտ, խանդավառ եւ քէֆը սիրող անձ էք: Դուք չափազանց բարի եւ անկեղծ էք, այդ պատճառով ալ երբեմն կը տուժէք: Ձեր հրաշալի բնաւորութեան եւ շոյալութեան համար ձեր շրջապատի «հոգին» համարուած էք:

Արդեօք Պէ՛տք Է Երեխան Օրօրել. Թեր Եւ Ղէ՛մ Կարծիքներ

Երեխան օրօրելու հարցին մասին ընդունուած օրէնք չկայ: Շատեր կ'ըսեն, որ երեխան օրօրել ոչ միայն կարելի է, այլեւ՝ անհրաժեշտ: Մնացեալներն ալ փաստերով կը փորձեն ապացուցել, որ երեխան օրօրելը ճիշդ չէ: Ստորեւ կը ներկայացնենք թեր եւ Ղէ՛մ կարծիքներն ու հիմնաւորումները:

Երեխան Պէտք Է Օրօրել

Շատերու կարծիքով, մօր արգանդին մէջ անցուցած ժամանակահատուածին երեխան գրեթէ անընդմէջ կ'օրօրուի: Յոյի կինը կը քալէ, կը պարէ, կը լողայ, իսկ մանուկը այդ ընթացքին, հեղուկի մէջ գտնուելով, դանդաղ կ'օրօրուի: Հետեւաբար երեխային համար ասիկա բնական է, սովորական ու հաճելի, քանի որ ան ենթագիտակցօրէն կը վերլիճէ մօր արգանդին մէջ ունեցած զգացողութիւնները:



Նոյն այս անձերուն կարծիքով, երեխային համար շատ կարեւոր է մօր մօտ գտնուիլը, անոր սրտին զարկերը, բոյրն ու ջերմութիւնը զգալը: Ասոնք կ'օգնեն, որ ան հանգստանայ, աւելի ապահով զգայ եւ աւելի արագ քունի անցնի:

Ապացուցուած է, որ օրօրուող երեխան շատ աւելի հանգիստ կը քնանայ, քան՝ այն երեխաները, որոնք ինքնաբերաբար քունի կ'անցնին:

Երեխան Պէտք Զէ Օրօրել

Այս տեսակէտը պաշտպանողներու կարծիքով, երեխան օրօրելով՝ անոր մօտ ժամանակի ընթացքին պահանջի եւ սովորութեան կը վերածուի: Այս տեսակէտը պաշտպանողները համոզուած են, որ մանուկը ծնած օրէն պէտք է ինքնուրոյնութեան վարժեցնել, ան պէտք է որ առանց օրօրուելու ինքնաբերաբար քունի անցնի:

Որոշ մասնագէտներ նաեւ կը կարծեն, որ օրօրուող երեխային մօտ գլխապտոյտ կամ նոյնիսկ գիտակցութեան կորուստ կրնայ յառաջանալ:

Եզրակացութիւն

Կարեւոր է նկատի առնել, որ երեխան ամէնէն աւելի ունի մօր սիրոյ եւ գուրգուրանքի կարիքը, հետեւաբար զայն գրկելու, օրօրելու եւ երգելու մէջ «վնասակար» բան չկայ:

Հարկաւոր է, սակայն, չչափազանցել օրօրելու այս արարողութիւնը եւ քիչ-քիչ վարժեցնել, որ ինքնուրոյն քնանայ: